



## **2DA SESSIONE ORDINARIA PÈ U 2016**

**RIUNIONE DI I È 25 DI NUVEMBRE**

**N° 2016/O2/062**

**DUMANDA ORALE SPOSTA DA Mma Christelle COMBETTE  
À nome di u gruppu « LE RASSEMBLEMENT »**

**OGETTU :** Ecchippamenti di u Centru di u Sport è di a Juventù Corsa (CSJC)  
– puntu nantu à l'impegni finanziarii di a CTC.

Sgiò Presidente di l'Esecutivu,

In qualità di Vici Presidente di u Centru di u Sport è di a Juventù Corsa (CSJC) vi vogliu oghje sullicità.

A visita nantu à u situ di l'Associu Naziunale Di l'Eletti di u Sport (ANDES) u 7 di nuvembre scorsu hà permessu di fà un statu di u lochi di u stabilimentu. À st'occasione u storicu di l'investiscimenti realizati cù u cuncorsu di e duie cullettività membre di u sindicatu mistu hè statu evucatu è insiste nantu à l'urgenza di realizà un certu numeru di travagli strutturenti.

Da ramentu, in seguitu à a chjusura di u stabilimentu da u Statu di ghjennaghju 2010, una regia autonoma di a CTC hè stata creata da appruntà u passu ver di u sindicatu mistu, assucendu u Cunsigliu Generale di Corsica Suttana è a CTC chì hà vistu u ghjornu di ghjennaghju 2012. Aghjuntu à e deliberazione chì accunsentenu à a creazione di u sindicatu mistu in e duie cullettività, un pianu quinquennale d'investiscimenti era statu previstu è disgraziosamente, hè pussutu esse esecutatu solu di modu incumpletu.

Ancu s'è a sessione di u patrimoniu ùn hè sempre effettiva oghjeghjornu, i permessi

tempurarii d'occupazione chì si sò succeduti da u 2010 stabiliscenu di modu chjaru u trasferimentu di l'oblighi di u pruprietariu da u Statu ver di u Sindicatu mistu. Parechji investiscimenti chì duvianu esse stati realizzati, ùn sò pussuti sbuccà per via di u mancu di finanziamentu.

Travagli cunsequenti aspettanu d'esse realizzati di modu urgente.

- L'impermeabilità di i tetti di e stallazione spurtive è i travagli di ristauru di i spazii tocchi da infiltrazione d'acqua. Parechje dumande di finanziamentu sò state fatte in u 2013, 2014 è in u 2015. In vanu. Iscritta à u bugettu d'investiscimentu 2016 di u stabilimentu, issa spesa hè sempre in attesa di regulamentu da a CTC. Sti travagli ùn ponu esse realizzati cù l'unicu finanziamentu di u Cunsigliu Generale di Corsica Suttana.
- L'assestu cumpletu di a cucina. Travagli di ristauru chì sò stati realizzati in u 2012, permettendu di risolve di modu tempurariu i prublemi più impurenti, oghje ùn bastanu più.
- A custruzione di vestitoghji in più pè e stallazione spurtive. A frequentazione impurte di e stallazione di u du CSJC è u rispettu di i quaterni di e cariche imposti da e federazione varie pè a ricunniscenza « Pole Espoir » dumanda ch'è no fessimu di più vestitoghji in giru à i dui ginnasi maiò è « dojos » di u CSJC.

O Sgiò Presidente, u Centru di u Sport è di a Giuventù Corsa hà cum'è missione essenziale d'accompagnà i giovani spurtivi isulani à u livellu più altu, cun stallazione di qualità. U CSJC ospita i percorsi d'eccellenza judo, football, basket, hand è karaté. Parechji giovani Corsi si sò fatti rimercà à livellu naziunale è ancu internaziunale.

O Sgiò Presidente, site in carica di e delegazione di u sport è di a giuventù. Cuntate di mette un termine à a situazione pessima di l'ecchippamenti di u CSJC ?

Cuntate di rispettà l'impegni finanziarii pigliati da a Cullettività postu ch'ellu si tratta quì d'una partecipazione statutaria chì u pagamentu cundiziuneghja a cuntinuità è l'avvene di u Centru ?

Vi ringraziu.